

山以本府為獨鎮專管山城狀請稟處此不必靳難而精抄軍區處之道恐似  
難便他邑面移劃之舉亦難輕議請寢之從之又啓言慶尚左道兵馬節度使  
白東俊狀啓以本營處在沿海外無險阻內無柴水所領軍額遠在三四百里  
外前後道帥臣以移營之意論啓不置故叅判南泰良按道時措備築城之穀  
今至五萬餘石請就慶州永川等地審擇形便舉行本道之置兵營於蔚山一  
如湖南之置兵營於康津不於中央之陸地必置沿海者豈無所以今不可輕  
議上曰古人置閫之意必有所見置之也又啓言一名䟽通事特下綸音頒  
之中外銓曹則皆即奉行而外方則雖鄉任校任全不舉論云請嚴飭教以朝  
令之下慢不奉行者極為駭然復踵前習則監司守令難免重勘其嚴飭○以  
蔭窠十窠作文窠䟽通文叅上積滯之患從領議政金尚喆言也○夕講○庚  
辰夜有氣如火光○辛巳○壬午玉堂上聯劄校理鄭淵淳副校理柳孟養修撰徐有成趙鼎鎮副修撰李殷  
字模金曰今番投書之變振古所無之凶逆也惟吉之來見鎮厚也以述海非逆  
之說爛漫酬酢鎮寬則袖懷凶書暗地投棄者與鎮厚輩二而一也若夫元幹  
既出惟吉之招益華托身趾賊之家請鎮厚惟吉兩賊之支屬應坐者並遠配  
亟寢鎮寬等定配之命更加嚴鞫批曰鞫囚之叅酌非無意也其中應坐散配